

眉州屬志

嘉慶四年重修

景蕪堂藏板

景蕪堂藏板

重修眉州屬志序

眉州古文獻地牧斯土者代有賢良稽州志之由
自孫汝聽眉州古志暨張伯虞江鄉志後修葺增
廣者皆非俗手今成都太守趙少鈍在眉時因前
志漫漶殘闕將欲纂葺旋因委駐巴塘分辦軍儲
未果今夏州之人士連名具請言曰眉屬疆域遼
闊素號難治州主涂公莅任後除黠倣頑清胥去
蠹以故吏不欺民自愛更乃講學興行譽髦傾心
眉之水利事要而弊叢公則剔除積習周咨稼穡

眉州屬志

序

一

澤及農畝城垣傾圮久矣工巨費繁屢議興修未
遂公倡首捐廉士民樂輸集事雉堞崇隆氣象宏
壯永資保障矣四載以末慈惠溥戴茲復因州志
殘闕公暇採訪舊聞選才俊之士分門編葺並諭
毋罣漏毋繁冗簡而有體質而不洿親加折衷而
成此更風世傳世之業也惟大公祖經術文章足
以施人風而光史冊敬求賜摸序文予惟山川文
物地之德秀所鐘抑人之靈秀所托嘗溯玻瓈之
清婉曠墓頤之秀出聯絡峩眉錦江之氣脉深而

且遠其眉州之教化可藉眉州之人文以廣之曾
記老泉蘓子著族譜序引諸篇教約森嚴勸諭慈
厚實可化頑梗而感善良言一家可推之一鄉一
黨也由一鄉一黨可推之一縣一郡也雖推之國
與天下其人心風俗豈不足以反樸還淳以歸三
代之隆哉予觀唐宋諸賢所著郡縣志序學校碑
文就一方而通乎海內就一時而貫及古今世不
變道亦不變地有殊而倫理無殊韓李歐曾程朱
諸子論各分而理自合非若鄭夾漈馬端臨諸書

眉州屬志

序

二

但取灑博也以此思老泉之文言近旨遠小可喻
大淺學之士詎能增益於其際耶志凡十九卷爲
類六十有六其增刪得當體類皆有法度涂公之
政教於此亦可見其概誠如士民言予不能文因
藉眉之人文以廣眉之教化成此試質之趙涂兩
公當不以爲河漢否

嘉慶四年歲在己未八月建南觀察使者徐長發
撰

序

乾隆乙卯冬長發自江津量移眉州下車初卽省
觀風俗存問疾苦士習民情尙稱淳樸而城中隙
地甚多大半闢成田畝科第亦落落不數覲蓋明
季兵燹蜀中爲甚而眉鮮子遺自

王師戡定巴蜀始出諸水火而衽席之節經前牧勞來
安集闐闐漸增民安耕讀倣之前代尙未復舊觀
也夫眉郡毗連蜀都田土沃衍同號天府自漢以
來稱爲禮義之邦其人才之傑出史不絕書所載

眉州屬志

序

三

忠孝節義政治文章比材絜藝甲於他郡每思古
昔之盛也非無因而致然其始必有一二人以倡
其端而後爭效慕悅久而寢成風俗遂以爲地之
所產性之所近焉故文翁遣張叔等就學其後子
弟從之蜀學之多比於齊魯蘓渙得祿而歸其後
鄉人羨之士夫之盛號曰江鄉盖民俗好尙在一
振作轉移之間耳眉志如宋之通義江鄉等書及
明牧方端所纂者今皆不傳惟

本朝康熙中董牧創修金張二牧續成付梓時當凋

殘之餘文獻無徵又言之不詳自此以後將及百年舊本脫落不可卒讀事蹟益無所考焉則任斯土者將何所取法而待治者亦不足樹之風聲宜其因陋就簡而遠遜於古也長發德薄能鮮承乏於茲如修堰勸農興賢讀法諸政孜孜不敢怠近因城垣傾圮罔所扞衛復起而新之民亦踴躍樂從以葺厥事廛市鄉村氣象亦漸覺改觀暇則進膠庠之士討論文藝勗以敦行力學復擇其秀傑者命其採訪舊聞搜錄遺蹟己未春始設局三蘓

眉州屬志

序

四

祠叅校舊本增類補闕復飭丹稜彭山青神三縣各錄近事彙爲屬志列綱而張之以目爲若干卷凡有關於民生日用政治景行者纖細必書閱半載而脫稿州人士持以就正觀察徐玉崖先生猥蒙許可命亟鋟板傳布夫風景不殊山川如故眉則猶是昔日之眉也覽斯編者徃蹟先型如指掌焉爲政者使不苟簡乎治以勗其民而民亦爭自濯磨取法於古俾人知道義戶盡可封將見羣材彙萃無令昔賢專美於前共應

景運而興起也是則予區區編輯之始念也夫徃者
州牧趙公少鈍嘗校正舊乘斐然有述作意因干
役魚通旋擢重慶守而去予特踵其意而爲之而
才筆庸下知必貽笑大巫然於表揚彰瘴鼓舞作
新之意當必有合也時

嘉慶四年歲在己未十月知眉州事金陵涂長發
撰

舊志序

今天下聲教暨訖禮樂休明計無不雪楮隨風僊
雲趨日廼明史闕錄復

允廷請

詔取省乘附諸史館藻光文治昭大一統也蜀號蠶叢
化始文黨埒諸十五國之風以貢於天府者前此
無聞焉自常璩志華陽降及宋元迭有成書至明
嘉靖間王楊數公起而修之攷覈詳明已臻美備
迨於萬歷杜荀諸君滄珠浦璧至嘆觀止蜀志遂

眉州屬志

序

六

哀然爲天下冠間嘗綜明考之彼洪成以來氣運
光隆治化翔洽俗厚盛稱南國人文比諸東魯猷
懷宗失御寇孽猖狂走燐飛螢三十年所問其軼
事什不一二間有存者魯魚亥豕不啻冷落冬柯
矣乙丑之夏葦司符催州志雖屬一郡之稗乘仰
佐千秋之信史所關匪渺也永荃以雍朔謏儒承
乏南隸擁節牧眉竊見野有哀鴻市多碩鼠甫至
進其遺民而拊循之進其子衿而訓迪之有侵犯
羸羸者鉗治之孱弱善良者整齊之廢者漸脩而

墜者徐舉蚤夜圖維猶恐隕越貽

簡命羞顧以弇鄙無當之衷取數十年睹記未經者扼
槩而呈登諸館院不綦難哉况邇來滇黔逆命禍
連全蜀縱螳臂狐羣滅不旋踵然其間聚蜂肆蠆
附瘦反噬尤當急爲詳核者用是廣集儒英訪延
耆碩首取裁於國典次考據於府乘或叅之簡編
或聞之故老旁及殘碑斷碣巷詠塗歌并採兼收
慎加衡量彙以成帙其書始圖說終藝文卷則釐
而爲八條分三十有竒將授諸梓不禁瞿然思曰

眉州屬志

序

七

川南所隸郡縣惟眉獨苦往者

廟堂軫念殘疆以彭青歸併省官省事掾敝興衰無
異戴堯天而瞻舜日是役也當仰體

皇仁俯周民瘼志輿圖則思保境安民志官表則思立
綱陳紀志學校則興賢育才是思志賦役則足民
裕國是思忠孝節烈思何以習若性成名宦鄉賢
思何以祀當崇德蠱而思飭者神壇祠宇也圯而
思修者雉堞津梁也戶口有志而休養常懷星野
有志而協用必凜他如沿革無變道之實風俗爲

秀良之書公署昭作考之隆祥異徵來脩之叙登
高作賦臨流韻詩何一匪我思存雖然書曰非知
之艱行之維艱今日見之尺素者異日卽試之
明庭則矢我中涓以圖報稱者又寧僅以潤色太平
塞勝國事蹟之旁求已哉是爲序

康熙二十一年知眉州事銀城董永荃撰

舊志序

郡邑有志猶國之有史也然國史直書時事得失風俗盛衰是非臧否多所褒貶而志則有異於是其大而賢才瑞美細而齒革毛羽靡不悉載外此皆略而不述以示闡闡隴畝使得有所景仰考見而自不無微意存乎其間夫眉自有宋迄今文學千古聲稱六合其繡壤相錯山川都麗尤宇內之所交推而川中之所莫及也然而地以人傳故形勝不常者更產雕龍之彥而四方好古之士每聞

眉州屬志

序

九

風增慕不獲親見其人咸欲樂觀其跡倘存什一於千百俾採風者顧而陋之大非前人立言立德之心并失閭里雅意自好之願是以販夫巷婦有卓越芳軌者不妨並列若浮華是尙亦有所不取也前董牧有鑒於此承離亂廢弛後搜其軼響而壽之棗梨不幸又災於祝融蕩然一盡於前旣悼煨燼之缺次於後復懼杞宋之無徵今幸樂有同志者復羅而集之其名山谷剝傳記詩謠會成一帙然而楊惲之歌不登趙壹之賦不錄覺規模亦

粗有可觀與其湮沒無傳孰若樸遯可據本願與
二三碩望優游講習無如輪轅在左不能悉張其
洪纖巨細各得其本末重輕至增而飾之廣而詳
之文而明之以俟後之君子焉可

康熙三十七年知眉州事山陰金一鳳撰

舊志序

眉山卽唐嘉州地也形勝介岷峨間靈秀甲於西蜀山有蠶頤象耳之麗水有玻瓈環湖之清人物如張綱李密蘓氏父子忠孝節義事業文章昭燿史冊彪炳人寰余自讀書稽古時已莫不聞之然境屬邊陲遠在天末車塵馬足恒不易及丙申歲奉

命來牧是邦卽索郡乘閱之則迭遭回祿鋟版無存一日訪得舊本喜不自勝然種種脫誤訛以傳訛亥

眉州屬志

序

十一

豕魯魚多所未免嗟乎天下之郡邑雖有繁盛凋敝之不齊遠邇廣狹之各異而莫不各有志以紀之蓋志之不脩則風土人情之殊山川物產之繁與夫廢置沿建之不常扼塞險要之當脩不能燦若列眉而瞭如指掌且一善必書一長必錄卽傭夫販婦之賤苟有可取在所不棄亦足以宣風教而昭勸懲此所以道德一而風俗同也古者太史採風命市納價貞淫邪正無不上之闕廷而載之簡牘亦猶是耳其所關豈淺鮮乎眉於蜀罹兵燹

較他郡爲甚若前此烟火寥落僅存什一於千百
非第土滿人稀而已官斯土者招徠撫字竭力經
營日無寧晷宜其不暇求詳於是也今

國家休養生息經數十年邇來

聖教誕敷人文化成又復月異而歲不同矣倘仍其舛
錯不亟加裁正豈所以昭信史光文治乎余不敏
竊於公餘偕郡之二三者碩細加叅酌更採見聞
攷覈同異謬者剔之訛者訂之蕪者刪之缺者補
之其見解無據者則仍闕其疑不敢臆決以俟能

眉州屬志

序

十二

者書成展卷讀之雖不敢謂醇然無疵可廁於大
雅然較從前之脫誤大約十得六七矣後有良史
才出而踵事增華或亦行遠自邇登高自卑之一
助也至於覽山川之盛而謀所以達其秀覽物類
之多而謀所以愛其生覽人群之衆而謀所以育
其德覽古蹟之紛披橋梁之縱橫田畝溝洫之繡
錯而謀所以復其舊而致其隆俾化民成俗實能
與古之魏了翁黎錞張伯剛諸君子輩後先媲美
不徒以虛文載之方策而托諸空言是則余之所

夙夜綢繆而歉然未遑也歟

康熙五十五年歲在丁酉知眉州事臨濠張漢撰

眉州屬志

序

十三

眉州屬志

凡例

一舊志如宋家安國之通義編孫汝聽之眉州志張伯虞之江鄉志今皆不傳卽明知州方端所纂州志亦無存者茲惟康熙間州牧董金張諸公先後纂集本其時經明季兵燹文獻無徵故登載過爲簡畧然猶幸此本之存稍可依據因悉心採訪參之通志三縣志華陽國志蜀碧廿二史及他詩文集苟有可採咸入編摩非敢侈

眉州屬志

凡例

十四

美前賢庶幾有裨來者

一省志事載通省故每門單叙自成卷帙茲志體分十二使事各以類附如事必求端於天謹天戒崇欽若也首叙天文申畫郊圻以慎封守故地里次之因地置官以撫其民故職官次之爲政首先設教立教必由崇禮故學校典禮次之任土作貢則有賦役設兵以衛則有兵防穿渠以利農田故次以水利政成以覘風俗故次以風土自是人才出而興賢籲俊潛德彰而毓秀

鍾竒故選舉次之士女又次之至若昔賢著述
藏在名山徃哲勲猷徵於國史前言徃行堪師
法也故以藝文終焉

一舊志謂郡縣無專宿故天文從畧然自史記天
官書以後惟遼史不載天文他史凡郡縣皆列
分宿雖論說紛紜難於畫一而天事之遠還於
人事之邇驗之洪範師尹厥省惟日未可以其
遠而忽之也故於甘石諸書互爲攷証較省志
而加詳焉

眉州屬志

凡例

十五

一學校中尊禮源流典禮中樂章儀註雖屬通行
亦皆備載者蓋郡邑士民見聞或寡未必周知
今載入志中廣爲傳布俾窮鄉僻壤咸知

本朝欽崇聖道禮制攸隆率土遵行無遠弗屆實有
裨於風化也至賦役內並丁於地永不升科及
歷年普免條糧皆大書特書以宣揚

上德俾士民均知

朝廷休養生息之至意其食德飲和者宜如何感戴
歟

一水利舊附地里志中寥寥數語不足以資考鑒
今依通志分門紀載凡開塞之始末道里之延
袤灌溉之多寡歲搶之修理悉爲編輯俾後之
司牧者因勢而利導之以爲蓄積宣洩之法庶
與湔江舊制同稱沃野而民永享其利矣

一八景之作起於前明中葉其後凡郡縣志中無
不牽強造作編爲八景者命題旣俗亦鮮佳製
今於舊志所載八景悉行削去其詩尙有可存
者名曰雜咏附藝文中不使後人仍踵其陋也

眉州屬志

凡例

十六

一選舉志中宋代人才最盛舊志叙次間多紊亂
今証之學宮內宋刻題名碑得進士八百八十
五人其剝蝕者尙數十人闕以俟考

一眉屬人才自漢晉已著漢書三國志華陽國志
紀載外又有望族十二至宋則彌盛當代士大
夫之族謂之江鄉時天下以文名者六而眉得
其三以史名者三而眉得其一終宋之世制科
入等者五而眉得其三元祐之時上書直諫夫
謂之奸黨初列七十三人後增至三百九人而

眉得其三十二可謂盛矣惜徃志無傳其述作
事功多不可考茲於宋史有傳者悉加採錄其
一二言行別見他書者亦爲摭拾叙載及後之
潛德幽貞苟有所聞亦皆臚列盖表白景行樹
之風聲彰前賢所以勵後世也故尤加詳焉
一他志於人物多分門別載者茲志統稱鄉賢不
另爲軒輊自後漢以迄有明見於正史列傳其
人足取者雖逸民如巢谷亦皆備錄苟人無足
取前明有位登宰輔者亦置不錄所以寓勸懲

眉州屬志

凡例

十七

也其正史未載及

本朝士女中可傳者皆以時代先後據事直書而賢
德之大小亦自瞭如指掌

一職官唐以前無考自蘓長史後始有傳者前明
州牧方端作刺史題名碑今已無存卽

本朝定鼎以來莅斯土者正署迭更由後邈前姓名
間有不可考者茲廣爲採擇依年編次至名宦
事績如國史有傳者悉爲節錄其他或採之舊
志或得之聽聞亦皆叙入俾循良不至湮沒而

後之官斯土者亦有所勸勉矣

一詩文以題目分類別選起於昭明蘓子嘗陋之
茲志惟斷以時代各爲彙集俾覽者因人論世
不至紊雜云

一藝文如當世多有及簡冊浩繁者皆不及載其
切於眉者間亦取焉又他邦賢哲所作其有關
於眉者亦爲採入其眉人之作卽非關於眉亦
得載者蓋倣升菴用程篁墩新安文獻志例也
一州志係康熙五十六年修旣從簡畧歷今又八

眉州屬志

凡例

十八

十餘年故家文獻亦少可延訪者丹稜志係乾
隆二十六年修彭山志係乾隆二十二年修青
神志係乾隆二十九年修亦越四十餘年雖屬
各縣令採訪近事彙入全帙而倉卒編成或於
古事未經注錄或於當代尙阻見聞挂漏之愆
在所難免後有所知佐予不逮者當隨時補入
焉

一茲志編於己未三月越庚申三月開雕成其叅
校舊志則眉州學博朱有綬纂輯遺文則江津

庠生王昌年繕寫讐校則眉州舉人李崇盛廩生周廷瑒萬廷曦劉儁繪圖則武生李應芳也
例得備書

一監修城工紳耆係王汝翼趙繼盛李宗岱杜永菁鄧元灼田種玉左成彭開第陳明禮也亦附錄以誌勞績云

眉州屬志目錄

卷一天文志

星野 宿論 氣候 救護

卷二地理志

輿圖 沿革 形勝 疆域 山川

城池 公廨 街坊 場市 橋梁

驛遞 古蹟 冢墓

卷三職官志

文職 武職 宦績

眉州屬志

目錄

二十

卷四學校志

學宮 尊禮源流 師生 書院

學田 書院田

卷五典禮志

朝賀 祀典 廟壇 附各祠廟 鄉飲禮

卷六賦役志

戶口 丁糧 附歲支 鹽法 茶法

倉貯 蠲政

卷七兵防志

防汛 民兵 寇警

卷八水利志

堰渠 筒車 陂塘

卷九風土志

禮俗 歲時 講約 物產 蠶桑

畜牧 種植

卷十選舉志

進士 舉人 貢生 武科

卷十一士女志

眉州屬志 目錄 二十一

鄉賢 列女 贈諡 流寓 方外附

寺觀

卷十二藝文志

宸翰 列傳上

卷十三藝文志

列傳下

卷十四藝文志

文上册

卷十五藝文志

文中册

卷十六藝文志

文下册

卷十七藝文志

賦 詩上册

卷十八藝文志

詩下册

卷十九藝文志

雜紀

眉州屬志

目錄

廿二